

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

[Home](#) > [MARCABRU](#) > [EDIZIONE](#) > [Per l'aura freida que guida](#) > Edizioni

Edizioni

- letto 456 volte

Dejeanne

I.

Per l'aura freida· que guida
L'invern qu'es tant plens d'iror,

- 3 L'auzeill qu'us no·n brai ni·n crida
Sotz foilla ni per verdor,
Car l'estiu, a bell' aizida
6 Mesclon lor joia certana.

II.

Non auch chant ni retentida
Ni non vei brondel ab flor,

- 9 Empero si ai auzida
Una estraigna clamor,
De Joi que·is plaing, ses ufana,
12 Cui Malvestatz disciplina.

III.

Proeza es forbandida,
E son malvatz li meillor;

- 15 Lonc temps auran cossentida
Els maritz lor desonor,
Als acropitz lenguas planas
18 Torbadors d'amistat fina.

IV.

D'entre dompnas es fugida
Vergoigna e non sai cor;

- 21 Las plus ant coa forbida
E mes lo segl'en error,
Mas lor semensa frairina
24 Geta malvatz fruit quan grana.

V.

Drudari' es trassaillida
E creis Putia s'onor,

- 27 E·il moillerat l'ant sazida
E so·is fait dompnejador;
Tant m'es bel quand us s'en vana
30 Cum de can quant prist farina.

VI.

Tant cum Marcabrus ac vida,
Us non ac ab lui amor

- 33 D'aicella gen descauzida,
Que son malvatz donador,
Mesclador d'avol doctrina
36 Per Frans' e per Guiana.

N'Amfos, ab patz segurana
Que tengua, Valors l'aclina.

- letto 455 volte

Source URL: <https://letteraturaeuropea.let.uniroma1.it/?q=laboratorio/edizioni-222>